



Erik Jensen
Inatsisartunut ilaasortaq

§ 37 apeqqummut normu 129/2021-imut akissut

Brevdato: 12-10-2021
Sags nr. 2021-17647

Asasara Erik Jensen

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

16. septembar 2021-mi allakkatigut aamma Inatsisartut inatsisaat § 37-i naapertorlugu pingasunik Naalakkersuisunut apeqquteqarputit.

1. Naalakkersuisut isumaqatiginerlugu Nuup sinerissamilu illoqarfiit sinnerini naligiinnginneq annertusiartuinnartoq annertuallaalersoq?

Akissut:

Naalakkersuisoqatigiit inunnik isumaginninnermi aamma aningaasaqarnermi naligiinnginneq annikillisarussuppaat. Suliat taakku akileraarutinik aaqqissuusseqqinnermi aamma attassiinnarnissamut ineriartortitsinissamullu pilersaarummi suliamut ilaapput.

Apeqquteqaat politikikkut suliamullu tunngasutigut akineqarsinnaavoq. Piereersunik naligiissaarinnermut aaqqissuusinnermik, soorlu kommunit akornanni isumaqatigiissutaasimasunit aamma soorlu Kommuneqarfik Sermersooq kommuninut allanut ilanngaattissat ilanngaatigereerlugit aningaasaleeqataasartoq suliamut tunngasutigut nalilersuinnermit ersersinneqarpoq.

Politikikkut tunngavilimmik assigiiartumik akinik naligiissaarineq pisarpoq, ass. nukissiuuteqarnermut nassiussanillu assartuinnermut akinik assigiisitsinnermi, assigiiartumik akilersuineq nalinginnaasumik qaffasissumik akiliiffiusarnera pissutigalugu, sumiiffinni akikinneruffinni, akisuallaartumik akiliinissaq sumiiffinni qaffasissumik akeqarfinit aningaasaliiffigineqarnissaat pisariaqarmat. Tassunga atatillugu illuatigut ersoqatigiinnerup aamma aappaani naammassisaqarnissamut kajumissaatinik aallussinerup pisariaqartup akornanni akerleriinnerit pisinnaapput. Naligiissaarinnermut aaqqissuusinnerit ersoqatigiinnerit malinnaaffigisarpaat, kisianni aamma naammassisaqarsinnaassuseq isumalluutillu sorliit atorneqassanersut, pinngitsoortissinnaallugu.

Equnganerup annertusivallaalersimaneranut tunngatillugu, Nuummi ineriartortitsinerup kingunerineraa, imaluunniit taamaakkaluartoq assinganik pisoqarnersoq, apeqqutaavoq. Kommuneqarfik Sermersuup ineriartornera pissutigalugu, kommunit allat ineriartornermut kinguariatortnerat eqqorpasinngilaq. Apeqqutaanerpaaq tassaavoq, maannakkut ilaatigut illoqarfiit pingaarnersaata ineriartornera, kommunit allat ingerlanerminnut iluaqutigaaat.

Allatut aperisoqarsinnaavoq, Kommuneqarfik Sermersuumit annertunerusumik naligiissaarineq ingerlaavartumik isumalluutinik nuussisarneq kommuninut allanut ilungersornartumut akissutaaviunersoq?

Inuiaqatigiit nalinginnaasumik siunissami inuulluarnissamut ukiuni 10-15-ini aggersunut innuttaasut agguataarnerisa allanngoriartorerannut aningaasaliinissamut ilungersornartunik nalaataqassapput. Kommunit tallimat tamarmik aamma taamatut nalaataqassapput, kisianni taamatut annertutigingitsumik.

Maannakkut aallarnisaatigalugu siunissami attassiinnarnissamut ineriartortitsinissamullu pilersaarummik misissueqqissaarnernik assigiingitsunik suliaqartoqarpoq/piareersaasoqarpoq, tassani ilaallutik kommunit killeqarfii akimorlugit aaqqissuusaanermi ajornartorsiutit.

Tamatuma saniatigut naatsorsuutaavoq, naligiinnginnermut apeqqut nuna tamakkerlugu pilersaarusiamik nalunaarusiamut ilanngunneqassasoq.

Taamaammat Naalackersuisut naligiinngissusermut ajornartorsiut annertuumik eqqumaffigaat, apeqqummullu 3-mut akissut takuuk,

2. Kommunit akornanni naligiinnginnerup annertusiartuinnarnera Naalackersuisut qanoq iliuseqarfiginiarpaat?

Akissut:

Siullermik paatsuungasoqaqunagu erseqqissarneqassaaq, kommunit akornanni naligiinnginneq annertusiartornersoq Naalackersuisut apeqqummut akisummi isummerfiginngimmassuk. Matumani apeqqut nuna tamakkerlugu pilersaarusiamik nalunaarusiami imaluunniit Attassiinnarnissamut Ineriartortitsinissamullu pilersaarut II-mi misissorneqarsinnaassaaq. Suliaq pisortatigoortumik piitsuunermut killeqartitsinissaq tamatumunnga aamma pingaaruteqarsinnaavoq.

Naalackersuisut sulissutiginiarpaat, Kalaallit Nunaata pitsaanerpaamik toqqammaveqarnissaata qulakkeerneqarnissaa, inuiaqatigiit tamakkerlugit kommunini tamani naligiimmik, aalakkaasumik siunissamullu qulakkeerinnittumik qitiusumik sullissinernut toqqammaveqarnissaat, soorlu nalinginnaasumik naalagaaffimmut atugarissaarfiusumut assersuunneqartartumut, ilaallutik inunnik isumaginninnermi isumannaallisaatit, ilinniartitaaneq aamma peqqinnissaqarfinnut aaqqissuussanut nutaaliaasunut periarfissat. Kommunit akornanni naligiissaarinnermut aaqqissuussinerit sapinngisaq tunngavigalugu arlaannaanulluunniit attuumassuteqanngitsumik tunngaveqassapput.

Illoqarfiit pingaarnersaat Naalackersuisut nunap aningaasaqarnikkut arlalinnik sammiveqarnerusumik, taamaalillunilu suli qajannaatsuunissaanut, takorluugaannut pingaaruteqartutut inissisimavoq, kisianni kommunit allat aamma taamaapput.

Taamaalilluni, anguniagaq anguneqassappat, taava ataatsimut kivitseqatigiittoqassasoq erseqqarippoq.

Tassunga atatillugu, ilungersornartunut pioreersunut tunngatillugu, kommunit ataqatigiissaarinissamut periarfissaat, angusaqarfiulluuartumillu suleqatigiissinnaassusaat, soorlu innuttaasut agguataarnermikkut ineriartorerannut,

inissaaleqisitsinermit aamma sulisussat piginnaasaat qaffassarniarlugit missingersuutitut avaqunneqarsinnaanngitsut pingaaruteqarpoq.

Tassani kommunit akornanni naligiissaarinermut aqqjissuussinerit pingaaruteqarput. Aammattaaq pisariaqarpoq ineriartortitsinissamut periusissialimmik pilersaarusionerq, taamaalilluni illoqarfiup aamma nunap ilaata akornanni taamaallaat isumalluutit assigiit nuunneqarnerat isigineqarniassanngimmat.

3. Kommunit akornanni naligiinnginnerup millisarnissaa anguniarlugu kommunini allani ineriartortitsinissanik sunik Naalakkersuisut pilersaaruteqarpat?

Akissuteqaat:

Naalakkersuisut attassiinnarnissamut ineriartortitsinissamullu pilersaarut nutaaq piareersarlugu ingerlappaat. Tassunga atatillugu kommunit *akornanni* akileraartarnermut naligiissaarinermut allannguuteqaratarnissamut pisariaqartitat pillugit apeqquutip ilaanissaa naatsorsuutigineqartoq.

Maannakuugallartoq tamanna naliliiffigissallugu siusippallaarpoq, maannakkut kommunini akileraartarnermut naligiissaarinermut nalilersuineq tamanna sioqqullugu ingerlanneqarnissaa pissutigalugu, taakkununnga ilaassapput kommunit akornanni naligiissaarinermut ilusilersuutaasinnaasunut tunngatillugu periarfissanik allaaserinninneq.

Inussiarnersumik inuulluaqqusillunga



Asii Chemnitz Narup